



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XVI. Cùm inter.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

15.q.7.pro maiore tunc conseruanda auctoritate, oportuisse Episcopos, qui conuenient, esse consecratos, prout Abb. antiquus, & Innoc. hic indicare videntur, ver. inquisitionis: sed ista jam in desuetudinem veniunt.

CAPITVLVM XVI.

Cùm inter.

PARAPHRASIS.

Romanus senior Schafhusianus Monachus in Abbatem eius Monasterij electus fuit: sed Romanus iunior, & alij quidam se electioni opposuerunt. Controversia hæc à Sede Apostolica varijs iudicibus commissa, sed decisâ non fuit. Cùm autem Romanus senior pro ferenda sententia apud Sedem Apostolicam instaret, Cælestinus III. Papa eum in uitum coëgit, vt in compositionem consentiret, atque renuncians Abbatia de manu Pontificis Prioratum & Custodiam (seu Custodis officium) reciperet, ita vt ea dum viueret, possidere posset. Polte verò, cùm idem Romanus dominum reuersus fuisset, ab Aduersariis suis Monachis, compositionem obseruare nolentibus, ad Prioratum & Custodiam admissus non est; sed malè tractatus, iniectis in eum manibus violentis: horum manus cùm euasisset, appellauit ad Sedem Apostolicam, volens impedire, ne ad nouam electionem Abbatis procedere possent. Errat tum quoque in ijs Germaniæ partibus Legatus à latere, qui Monachos, ob hunc & alios eorum excessus, suspensioni, & Monasterium interdicto subiecerat. Sed illi nec interpositæ appellationis, neque suspensionis sue rationem habentes, ad electionem nihilominus conuenerunt, atque Romanum iuniorem in Abbatem elegissi referebantur. Hæc causa cùm Innocentio III. Papæ relata esset, in primis respondit; Electionem Romani iunioris ex eo capite infirmari non posse, quia post appellationem celebrata sit: Cùm enim Romanus senior Abbatia corâ Pontifice

renuntiârit, eius propriè nihil intererat, nouam electionem institui. Quod verò ad alterum caput attinet, non poterat Pontifex satis tum cognoscere, num electio à suspensiis celebrata fuerit. Tametsi enim id colligebatur ex literis Præpositi & Capituli Cathedralis Constantiensis, in quibus de interdicto Legati à latere mentio facta; huic tamen relationi repugnabat factum Episcopi Constantiensis, qui vt Diœcefanus dicto Romano iuniori in Abbatem electo benedictionis munus impendit: Quamobrem licet obiectum fuerit, non tamen probatum, electionem ab interdictis celebratam fuisse, eam Pontifex irritare non potuit: Visum itaque eidem fuit, vt causam duobus, in ijs partibus, Abbatibus committeret, hac forma, vt, si eis constiterit, electionem à suspensiis celebratam fuisse, ea penitus cassata, Monasterio, post suspensionis & interdicti sententiam, præmissâ satisfactione condigna, relaxatam, personam idoneam prouideri current.

SUMMARIUM.

1. *Papa in causis, maximè beneficialibus, potest partes cogere ad compositionem pacis statuenda, & discordia ac scandali amonendi causa.*
2. *Non licet alicui appellare, si eius nihil interfit: licet tamen non tantum si alicuius interfit proprio nomine, sed etiam si alieno, v.g. si alicuius procurator constitutus sit, vel ratione necessitudini, ve pater profilio, clericus in causa ecclesie monachus in causa monasterij.*
3. *Abbas electus & confirmatus benedicitur, vt e.a. qua ordinis sunt, ritu exercere possit, v.g. populo benedicere, & circa vasâ (si index priuilegio Sedis Apostolice concessum sit) consecrare &c.*
4. *Cur instituta sit Abbatum & Prepositorum regularium benedictio, & inter hanc & consecrationem Episcopi quod discrimen.*
5. *Abbates ut tanum Dominicis diebus benedici debeant, nullo iure prescribitur;*

M m 2

tur;

- tur; obseruari tamen solet ut illa fiat
Dominico sive alio festo die.
6. Abbas semel benedictus, si assumatur ad alterius monasterij pralaturam, non debet iterum benedictus.
 7. Abbatissa si intra annum a confirmationis sua tempore benedictionem non accipiant sine rationabili causa, a iure suo excidunt, & nova prouisio fieri debet.
 8. Si electio Pralati celebrata sit a suspensi vel excommunicatis, vel personaliter interdictis, ipso iure irrita est.

NO T A N D V M I. Rom. Pontifex in causis maximè beneficialibus cogere potest partes contendentes ad compositionem, pacis statuendæ, & discordiæ ac scandali amouendi causa. Ita Ioan. Andr. & Anton. num. 4. Abb. num. 1. cum Gl. marginali, Felinus in cap. 7. Quæ in ecclesiistarum n° 45 de Constitut. Ratio dari potest, quia in ecclesiasticis beneficijs supremam administrationem, & plenissimam dispositionem obtinet, cap. 2. de præbend. in 6. Alioquin vero, seu ordinariè, potest quidem iudex, imò sèpe debet partes contendentes ad concordiam & compositionem hortari, iuxta cap. 1. & c. studendum 7. d. 90. non autem compellere invitatos, quin potius potentibus ius dicere cogitur, secundum Gl. receptam in l. 1. §. Et post, ff. de noui operis nunciat. Nisi causa valde dubia & intricata sit, & partes longo tempore, magnis sumptibus, litigariint, vti hic tradit Anton. num. 26. Abb. num. 9. & docui lib. 1. Theol. moral. tract. 1. cap. 5. num. 16. §. Quæres. Pertinet enim ad Iudicis officium lites diminuere, l. quidam 21. ff. si certum petitur. Et maximè quidem in litibus beneficialibus, si decidi facile non possint, Episcopi & similes Prælati partibus diu litigantibus compositionem imperare possunt, argum. cap. placuit 9. d. 90. & cap. quæsitionum 5. de rerum permitt. Videtur enim ex eo textu colligi, quod Episcopus ex causa utilitatis etiam invitatos beneficiarios de loco ad locum institutam beneficiorum permutatio ne, transferre posse.

NO T A N D V M II. Licet prioratus, &

alia officia seu beneficia claustralia, non sint perpetua, sed manualia, quæ secundum Abbatis voluntatem auferri possunt, cap. cum ad Monasterium 6. §. Tales autem, de statu Monachorum: Sed neque à Sede Apostolica indulta prodire soleant, in quibus Religiosis Prioritates & similes administraciones seu officia ad vitam eorum confirmantur, cap. ad nostram 5. & c. seq. de confirmatione vtili; Excipi tamen debet, Nisi summus Pontifex alius ex certa scientia regulare & claustrale eiusmodi beneficium sue administrationem in perpetuum, & vt irreuocabile ab inferioribus Prælatis, conferat. Quod hic Cælestinus III. egit, propter bonum pacis, & concordiæ. Et ita annotauit Innocent. hic in princ. Anton. num. 8. & 27. Abb. n. 2. & 10.

NO T A N D V M III. Non licet alius cap. appellare, si eius nihil intersit, vti hic dicitur, vers. Nos attendentes, in cap. quod sicut 28. hoc tit. & in l. 1. ff. de appellat. Veruntamen, licitum est appellare non tantum si aliquis intersit proprio nomine, sed etiam si alieno putat, si alicuius procurator constitutus sit, vel alienum negotium geras, & dominus mox ratum habiturus sit: Item affectionis, ac necessitudinis causa, pater, aut mater pro filio, si causa eius deserta sit, appellare non prohibetur, prout hæc habentur in cit. l. 1. Quamobrem eadem ratione clericus in causa ecclesiæ suæ, & Monachus in causa Monasterij sui, opponere se potest, si quid non respondeat seu non canonice agatur, & appellare, quia eius quodammodo interest, cum sit membrum ecclesiæ seu congregationis: Et ideo R. senior, tametsi ab appellatione repulsus fuerit, quatenus contra electionem se opposuit proprium interesse pretendens, postquam is electioni suæ renunciarat; auditus tamen fuit, quatenus idem contra electionem appellauit, allegans eam à suspensi factam fuisse. Et ita Innocent. hic annotauit num. 2.

Obijcit Gl. hic ver. ex consensu: Si pars vna transactionem seruare nolit, etiam altera resilire potest, l. si diuersa 14. C. de transact. Respondeo, cum Abb. hic n. 13. in solut. 3. Abb.

3. Abb. antiquo in fine huius cap. Quod transfigenti, si ex sua parte impleuerit, & altera pars implere nolit, resiliere licet; atque, nisi malit compellere ad implendum, transaktionem rescindere: prout hoc ipsum etiam in contractibus innominatis contingit, l. 1. ff. de rerum permutat. & docui lib. 3. Theol. moral. tr. 4. cap. 3. n. 3. At vero in casu nostro compositio à Pontifice proposita, omni ex parte impleta, & perfecta suit: Cùm & R. senior electioni simpliciter & pure renunciariet; vicissim vero Prioratus & Custodiæ collatio eidem per manus Pontificis facta fuerit: Quare cùm postea Monachi, mutata voluntate, eum recipere nollent, non poterat renunciationem suam reuocare, sed ius sibi in Custodia & Prioratu acquisitum, coram Sede Apostolica, aut Legato eius, ad obtinendam, aut retinendam possessionem, prosequi debebat.

NOTANDVM IV. Sicuti Episcopus post electionem & confirmationem consecratur, ita Abbas electus & confirmatus benedicitur, vt ea quæ ordinis sunt, ritè exercere possit. videl. populo benedicere, sacra vasa (si id ex priuilegio Sedis Apostolicæ concessum sit) consecrare, primam tonsuram & Ordines minores Regularibus suis subditis conferre, iuxta c. 1. d. 69. & Concil. Trid. less. 23. cap. 10. de reform.

QUESTIONE prima. Quare instituta sit hæc Abbatum & Præpositorum regularium benedictio? Respondeo: Institutam esse à sacris canonibus secundum similitudinem & proportionem consecrationis Episcopalis: vt quia Abbates illi Episcopis proximi sunt secundum honores, & quandam ordinis episcopalis participationem, ita etiam benedictionem aliquam participant. Sunt tamen non pauca discrimina inter consecrationem Episcopi, & Abbatis alteriusue Prælati benedictionem. Primum. Episcopi consecratio per Sacri Chrismatisunctionem fit, non item Abbatis benedictio.

Secundum. Consecratio Episcopi Sacramentum est, characterem imprimens: sed benedictio Abbatis est simplex & deprecativa manus impositio, c. 1. d. 69. iun. c. ma-

nus 74. causa 1. q. 1. Quamobrem consecratio Episcopi non nisi ab Episcopis fieri potest: sed benedictio Abbatis interdum ab Episcopo assistantibus duobus Abbatibus (vt similitudinem aliquam episcopalnis consecrationis habeat) fieri solet.

Tertium. Episcopus, post confirmationem suam, antequam consecratus sit, absolutè Episcopus, aut Pontifex appellari non deberet, secundum Gl. in Clem. 2. in not. de celebr. missarum: sed Abbat, post confirmationem, tametsi nondum benedictus sit, nomen Abbatis absolutè competit, prout docet Abb. in c. quanto n. 3. de offic. Ordinarij. Felin. in c. eam te n. 7. de rescript. Cardin. Tuschus ver. Abb. concl. 8. n. 3. argum. c. 1. de suppl. neglig. Prælatorum, c. indemnitatibus 43. s. sane, hoc tit. in 6. & apparebit ratio ex seq. discriminē.

Quartum. Consecratio Episcopi simpliciter necessaria, ac veluti substantialis est, ad hoc vt actus ordini episcopalí proprios exerceat, cuiusmodi est sacerdotes ordinare &c. sed neque alios actus ordinis episcopalí, qui non ita proprij sunt, quo minus Sacerdotibus simplicibus, seu non episcopis, à Sede Apostolica committi queant, videl. Ordines minores conferre, vasa sacra consecrare, & similia Episcopus confirmatus, tametsi Sacerdos sit, ante consecrationem exercere potest: cùm enim sacramentalia ita ordinis episcopalí per se ac directè ab ecclesia annexa sint, ideo non vult ea nisi ab ordinatis episcopis exerceri. At vero benedictio Abbatis respectu exercitij ordinis non censetur esse substantialis, sed potius solemnitas quædam accidentaria, arg. cit. c. 1. de suppl. neglig. Prælatorum: Et constat ex eo, quia quibusdam in locis consuetudo viget, vt Abbates non benedicantur, & nihilominus omnia Abbatum, etiam quæ ordinis sunt, officia exerceant, si Sacerdotes ordinati sint, teste Angelo ver. Abbas n. 3. Tuschus eod. verbo concl. 8. n. 3. Rodriq. tom. 1. regul. qq. q. 18. a. 2. & colligitur ex c. alienationes 37. causa 12. q. 2.

Cæterum, si consuetudo vigeat, vt Abbates vel Præpositi post confirmationem ac-

Mm 3 ceptam

ceptam benedicantur, tum seruanda est regula proportionalis; Quod sicuti Episcopus post confirmationem electionis suæ exercere potest ea, quæ ad iurisdictionem spectant, non item ea quæ ad Ordinis potestatem, c. transmissam 15. vbi bene Abbas antiquus, hoc tit. Ita etiam Abbatii electo per confirmationem conferunt omnis potestas iurisdictionis, non item ordinis potestas: Eam enim per benedictionem assequi censetur, iuxta c. cum contingat 11. de ætat. & qualitat. & docet Abb. in suprà cit. n. 3. Syl. ver. Abbas n. 4. Additum his, quod quibusdam in locis Episcopi non aliter confirmant Abbates & Praepositos, quām vt ipsis canonice electis benedictionem solemnem impendant. Quo in casu benedictio loco confirmationis est: Et hoc casu intelligendus videtur Innocentius in cit. c. 1. n. 1. de suppl. negl. Prælatorum, vbi significat, quod Abbas ante acceptam ab Episcopo benedictionem, administrare non debeat; præterquam si is in mora, aut negligenter conferendi existat, iuxta cit. c. 1.

Questio secunda. Quonam die Abbatii benedictio peragi debeat? Aliqui estimant, Dominico tantum die benedictionem dandam, vt Abb. Panorm. in c. cām sis, de consecrat. eccles. vel altaris; Hostiensis quoque, teste Gl. in Clem. 2. ver. benedici, tutius id esse, arbitratus est, propterea quod Episcopus Dominico die consecrari debeat, c. quod die 5. iun. Glossa ver. Sacerdotum. d. 75. Sed respondetur cum Gl. recepta in cit. Clem. Tuscho in cit. concl. 8. n. 10. Barbosa de offic. Episcopi p. 2. alleg. 27. n. 51. De hac re nihil statutum in iure reperiri; & idēc necessitatem non imponendam, vt Abbates Dominicis tantum diebus benedicantur: Observari tantum solet, iuxta communem doctrinā apud Syl. ver. Abbas n. 4. Angelum n. 3. vt Abbatii benedictio siue dominico die, siue alio festo die celebretur; sicuti & ordines minores festis quibuslibet diebus confiri solet, c. 3. de tempor. ordinat. At vero Abbatissæ benedictionem quolibet die fieri posse, monet Gl. recepta in cit. Clem. ver. benedixi; quia longe minus haberet be-

neditio Abbatissæ, quam Abbatii, prout ibid. Gl. explanat.

Questio tertia: Si Abbas, postquam semel benedictus est, ad alterius Monasterij prælaturam transferatur, debetne iterum benedic? Respondendum est negatiū ex com. 6 muni doctrina apud Azor tom. 1. lib. 12. cap. 20. q. 4. Barbos. de offic. & potestat. Episcopi p. 2. allegat. 27. n. 51. Quemadmodum nec coniuges denuo benedici solent, si in prioribus nuptijs benedictionem acciperunt, c. 1. & 3. de sec. nuptijs. Accedit, quod benedictio Abbatii fiat ad similitudinem consecrationis episcopalium, quæ iterari non potest. At vero Abbatissæ benedictionem iterari solitam esse, testatur cit. loco Azor, & Nau. in consil. 2. ad 1. q. de statu Monach. edit. 2.

His adde, quod in suprà cit. Clem. 2. 3. statuimus, pœna decreta est, si Abbatissæ in Monasterijs, in quibus benedici solita sunt, intra annum à confirmationis sue tempore, benedictionem accipere, absque rationabili causa intermittant, à iure suo penitus excludant; ita vt noua prouisio fieri debeat.

Notandum V. Si concurrent probationes seu præsumptiones in utramque partem contrariae, se inuicem infringunt, & diminuunt, vt iudex ijs stare non debeat, sed maiorem inquisitionem facere. Ita sumitur ex textu ibi, unde vel scriptura, & notauit Imola n. 9. ex c. 3. iun. Gl. ver. & taliibus. Qui filii sint legitimi.

Notandum VI. Si Papa causam coram se, ob defectum probationum, sufficienter cognoscere & iudicare non posset, tum solet eam in partibus siue in loco, vbi testes audiri & examinari possunt, delegare, vt hīc appareret, vers. fin. Ideoque mandamus, & notauit Abb. hic n. 14. Interdum vero demandatur tantum per literas Compulsoriales, vt testes audiantur, instrumenta edantur, eaque Romam, pro causa informatione, mittantur.

Notandum VII. Si electio Prelati celebrata sit à suspensis, vel excommunicatis, vel personaliter interdictis, ipso iure irrita est. Ita hīc dicitur in fine c. iun. Glossa ver.

caſſa.

Qualiter.

PARAPHRASIS.

cassata; vbi admonet, cassandam dici electio-
nem, id est, cassam & irritam esse declaran-
dam; quia suspensi eligere non possunt. In-
telligi vero id, spectato hodierno iure, de-
bet, si denunciati sint; vel si per exceptio-
nem oppositam repellantur, prout docui in
c. cum dilectus 8. de consuet. not. 5.

QVESTIO est; Si in censura suspen-
sionis & interdicti R. iuniorem elegerunt,
ad quem prouisio Pralati spectare tunc de-
bebat; ad iplos, an ad alios? Gl. fin. hic, quam
sequitur ibi Abb. Panormit. & Anton. n. 22.
ait; Quod à Capitulo seu Conuentu noua
electio fieri debeat; idque colligit ex textu:
quia cum Papa mandet, nouam prouisio-
nem fieri, non autem explicit, à quibus, sa-
tis significare videtur, ad Capitulares perti-
nere, posteaquam iij à censura, post satisfa-
ctionem congruam absoluti fuerint.

Hæc doctrina vera est, cum tribus tamen
limitationibus: I. est, Si Capitulares in hoc
casu Rom. iuniorem elegissent suspensem,
aut perfonalter interdictum, idque scienter
& illicitè, tum priuati fuissent pro ea vice
iure electionis, idque ad proximum Supe-
riorem deuolutum fuisse, c. quamquam i. 8.
in 6. Et fortassis in hoc ipso casu, cum Pon-
tifice nesciret, quomodo electio prior pera-
cta esset, maluit terminis generalibus vti,
& mandare, vt de persona idonea consula-
tur.

II. Si Capitulares, posteaquam ob cen-
suram omnes denunciati fuerunt, vel contra
eos exceptum, electione irritam peregerint;
atque ultra tres menses absolutionem pete-
re, nouamque canonicam electionem face-
re culpabiliter intermittant, ius eligendi pro
ea vice ad Superiorem deuoluuntur, iuxta cit.
c. quamquam, & c. vn. Ne Sede vacante, §.
Cum vero.

III. Si non omnes Capitulares suspensi,
vel interdicti sint, tum ijs priuatis (sive ipso
iure, si denunciati existant, vel ope exce-
ptionis) ius eligendi pro ea vice ad alios
cenfurâ non irretitos deuoluitur, iuxta c. 2.
de postulat. Prælatorum. vbi id docui
not. 2. & c. Cum Vintonien-
sis 25. hoc tit.

Vacante ecclesiâ Pennensi, Canonici Pri-
micerium ecclesiæ suæ, in Episcopum e-
legerunt. Is nondum acceptâ à Sede A-
postolica confirmatione, administrationi Episcopatus se immiscuit, recipiendo cùm
à clericis, tum à laicis iuramenta; cùm
tamen scire debuerit, quod nemo secun-
dum Apostolum ad Hebr. 5. cap. sibi su-
mit honorem, sed qui à Deo vocatur: Id-
eò Innocentius III. Papa tum ob hanc
causam, tum etiam quia Primicerius e-
piscopali muneri conuenientem scienti-
am non habebat, ipsius electionem irri-
tandam iudicauit; omnia quæ vigore eius
facta sunt, irrita esse pronuncians.

SUMMARIUM.

1. *Episcopus electus ante confirmationem administrare non debet; alias ipso iure priuatus existit, nec per nouam electionem eligi potest.*
2. *Debet habere Episcopus scientiam com-
petentem numeri episcopali, vti & a-
lij Pralati & curati clerici conueni-
entem suis officijs.*
3. *Electione cassata, omnia rescindi debent,
qua ratione officij, aut iurisdictionis ve-
surpata gesta sunt: secus est, si ob viti-
um aliquod occultum Episcopi, vel al-
terius Pralati, institutio vel confirma-
tio inualida sit.*

NO TANDVM I. Episcopus electus an-
te confirmationem administrare non
debet. Ita hic, & in c. noti 9. vbi id docui
not. vn. hoc tit. Alioquin eius electio in
pœnam cassari debet: Imò ipso iure priua-
tus existit, ex quo tempore administrationi
se male ingessit, iuxta c. si auaritiae 5. hoc tit.
in 6. Tametsi aliqui aliter sentiant, quam
quæstionem ibi examinabo.

Addit Abb. Panorm. hic n. vlt. ex Archi-
dia.